

Protocol no. 112**Sezzüda da lündeschdi, als 1. da december 2014 20.00h - 23.00h**

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Protocol

Il protocol no. 111 da la sezzüda da lündeschdi, als 17 da november 2014 vegn approvà.

1007 021**FABRICA****Cas da fabrica A. & A. Bodnar-Jenny; chasa no. 19-A , Sent /
parcella no. 372**

La dumonda cumpiglia duos aspets, dimena permiss posteriur da sbodada da l'abitaziun sül plan terrain e permiss per müdamaints da proget.

Il cussagl spetta uossa, cha la dumona per pitschens müdamaints da proget vegn inoltrada uschè, cha'l permiss pel cumanzamaint da fabrica possa gnir legalisà.

Swissroof / pendenza plans da detagl fatschada vest / Avant Baselgia

Id ha gnü lö üna sezzüda cul patrun da fabrica e si'architecta sco eir cul perit R. Maurizio, il qual es pront da far cumpromiss, dimena üna soluziun chi cuntainta es sün buna via. L'architecta inoltrescha uossa variantas chi vegnan suotamissas a sar Maurizio e quel suottametta, probabelmaing amo quist'eivna, propostas al cussagl.

Lazzarini SA, Samedan / grü pro'l lavuratori a Pozzet

La ditte prevezza da rimplazzar il grü existent tras ün grü plü grond «Wolff 62 SL» cun üna lunghezza da bratsch da 40m (existent 32m) e cun ün'otezza da crötsch da ca. 22 m (existent 18m).

Il cussagl conced'el permiss cun vusch unanima, metta però cundiziun, cha la ditte haja da resguardar ev. novas prescripziuns dal nouv plan da quartier.

1008 942.423.05**Fits per terrains cumünals****Fittanza da la parcella cumünala no.1181 a Tuffarolas**

I sun entradas 5 annunzchas Il cussagl discuta la fatschenda in möd vast, causa chi's cistaliseschan plüs argumaints per resguardar ad ün o lura eir a l'oter interessent.

Conclusivmaing mett'el cussagl il pais sül aspet agricul e decida da surdar la fittanza ad Arthur Schweizer, dal qual sia parcella no. 1175 cunfina cun quella cumünala ed el ha latras il handicap d'insomma stuvair adüna passar quella per rivir sün sia parcella, causa chi manc'il vial. Uschè po gnir simplichà l'access per bainquant.

1009

DIVERSAS SCHEFS

Art Engiadina Sur En / Labirint da glatsch a Sur En – „Feuer im Eis“

L'artist germanais Martin Hunke ha creà ün'ouvra tuot speciala (labirint da 30 m otezza accessibel als vistaders), la quala vain drivida als 21 da december. Il president da l'art Engiadina, Urs Beer, ha inoltrà la dumonda per ün sustegn finanziel.

In vist'al fat, cha quist on nun ha il simposi da lain (da stà) pudü tour a nüz la sporta da cumün decid'il cussagl da contribuir la somma da fr. 1'500.00.

Cumischiun locala pella fracziun da Sent

Andri Poo orientescha supra seis aboccamaint cul nouv cusglier dal cumün fusiunà Scuol, Jon Carl Rauch. Previs es da salvar in gövgia, als 18 da december 2014 üna sairada da discussiun.

Serrada da l'administraziun cumünala

Dals 23 december 2014 fin als 5 da schner 2015 es tuot il sistem da computer da las 6 fracziuns dal cumün fusiunà da Scuol our d'funziun. Pro vegn il fat, cha d'ürant ils 4 dis chi restan amo sur festas (22 e 23 da dec. sco eir 29 e 30 da dec.) ston ils impiegats prestar lavuors preparatoricas per far müdada süls 5 da schner 2015 giò Scuol.

Uschè decid'il cussagl da concluder il servezzan da l'administraziun cumünala sün venderdi, als 19 da december 2014 saira, causa cha davopro nun es quai pussibel da mantgnair plü ingüns servezzans sco fanestrigl e tuot las otras spartas da l'administraziun. Bigliets dal Vereina e cartas dal di pella viafier ston gnir retrats fin il plü tard al venderdi, als 19 da december 2014 a las 15.00h (finischiun fanestrigl). In quist sen vegn quai publichà i'l Mas-chalch.

1010

ORIENTAZIUNS

Nouv concept turistic d'infuormaziun e da signalisaziun unitari / «Leitsystem»

M. Werro preschainta il concept e dà las infuormaziuns necessarias. I's tratta d'ün sistem unitari suot il chapè dal TESSVM chi rimplazzess eir las tablas existents in nos cumün da la ditte Historika. Il contrat cun quella ais gnü demischiunà e va a fin però pür sül 2017. Ils cuosts (be dal material) s'amuntan a raduond 19'000.00. Pro vegnan amo ils cuosts pellas lavuors. La somma es integrad'i'l preventiv, però be per üna part.

Il cussagl va in princip d'accord cul concpet previs. Üna realisaziun amo quist on nun es plü pussibla, uschè cha'l cussagl decida da surdar quista fatschenda als respunsabels dal nouv cumün da Scuol.

Gurlaina SA / sezzüda da preventiv

M. Werro vaiva fat part e dà ün'orientaziun lasupra. La nouva presidenta, duonna Leta a Porta, ha salvà quel di sia prüma sezzüda. Il preventiv pro 2015 prevezz'ün resultat egualisà.

Società Sent Turissem

D. Jann vaiva fat part e rimplazzà a M. Werro e dà ün'orientaziun lasupra.

1011

VARIA

Men Caviezel infuormescha, cha gövgia, als 4 da december farà el part ad üna sezzüda pertoccant il proget sauaziun Sent e quai a Cuaira.

L'actuar:
Marco Fallet

Il capo:
Albert Mayer